

TE HEEHURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 10.

Atopa, 1924.

Mat. 18.

Aore hoi au i haama i te Evanelia o te Mesia ra, no te mea, o te mana ia o te Atua, ia ora te feia atoa i faaroo ra. Roma 1: 16.

Te Ohipa e Fariihia

E FARIIHIA anei te ohipa a te hoê taata ite papu i te ohipa haavâ ia ore oia ia haamanahia e te hau ia rave i te reira ohipa? Aita roa'tu ia, no te mea, aita oia i haamanahia ei haavâ. Na te hau te reira ohipa, e na ratou e maiti i te mau taata e au ai.

Eaha te Evanelia a Iesu Mesia? Na Paulo e pahono mai: "Aore hoi au i haama i te Evanelia o te Mesia ra, no te mea, o te mana ia o te Atua, ia ora te feia atoa i faaroo ra." (Roma 1: 16.)

Eaha te Bibilia? E parau tuatupapa ia no ta te Atua mau raveraa i rotopu i te feia i parahi i te tufaa hitia o te râ no te ao nei; oia hoi o Europa, o Asia, e o Aferika. No reira e mea ê te Evanelia a Iesu Mesia, e e mea ê te Bibilia.

E fariihia anei e te Atua te mau orometua haapii parau Evanelia tei ore i maitihia e i haamanahia e ana? Aita roa'tu. E no reira e to te ao atoa nei, a oaoa i te mea e, tei te ao nei te Evanelia mau. Ua haamana mai te Atua i to'na ra mau tavini i teie anotau hopea nei ia rave i ta'na mau ohipa mo'a. A tatarahapa, a farii mai ia Iesu Mesia, ia faaorahia outou atoa i roto i to'na ra Basileia.

Tapea i te Parau Mau

E MEA rahi te mau parau a te Vea Katorika i te mau avae i mairi a'enei, no nia i te tahi mau parau a te "Heheuraa Api". Aita râ i pahono-vave-hia'tu ta'na ra mau parau, no te mea, ua ite-papu-hia e, aita roa te mau pîpî a te Ekalesia Katorika i faatiahia ia tai'o i te mau parau Evanelia no te Ekalesia a Iesu Mesia i te Feia Mo'a i te Mau Mahana Hopea Nei; ua opani-roa-hia te parau mau ia ratou. E na na reirahia hoi mai te tumu mai â o te Ekalesia Katorika; te tapea-noa-hia ra te mau pîpî i roto i te poiri; e o te tumu mau hoi te reira i faarue ai Lutera ma i taua Ekalesia ra, a faatia'i ratou i te mau Ekalesia Porotetani. I teie nei râ, te faaite atu nei te "Heheuraa Api" i te parau mau a te Atua, e te pahono atoa'tu nei hoi i te mau parau faahua paari a te Vea Katorika ra.

Te parau maira te Vea Katorika e, "ua faaitēhia'tu te tumu i parāhia'i te taata e hoho'a no te Atua, oia hoi, no te varua."

Tei roto iho â te taata i te huru varua, e tei roto hoi te varua i te huru taata nei.

Te parau maira te Vea Katorika mai te mea ra e, te Metua, te Tamaiti e te Varua Maitai ra, hoê ia Atua, e ere ratou i te tootoru e hoê noa iho râ, e taua Atua hoê ra, e Varua ana'e ia.

E no reira te uihia nei te Vea Katorika ia haapapu mai i teie vahi, oia hoi, ia afai atu Iesu Mesia i to'na tino i te ao ra; nafea te taata e mana'o ai e, te Metua, te Tamaiti e te Varua Maitai ra, e hoê ia Atua, e taua Atua ra, e Varua ana'e ia? No te mea e, ua na ô maira Iesu i muri a'e i to'na tia-faahou-raa, "a fâfâ mai na ia ite; aita o te varua e i'o e te ivi mai to'u nei, ta outou e hi'o mai nei." (Luka 24: 39.)

Te na ô maira te parau i roto i te Ohipa 1: 9-11; "E

te parau noa ra oia i tana mau parau nei, e te hi'o noa maira ratou ia'na, ravehia'tura oia i nia, e vebâ maira oia e te ata, moe atura oia i to ratou mata. E tei to ratou tia-tonu-maite-raa i nia i te ra'i i te peeraa'tu oia i nia ra, inaha, te tia noa maira e toopiti pue taata i pihai iho ia ratou ma te ahu teatea; o tei parau mai ia ia ratou e, E te mau taata o Galilea nei, eaha outou i tia noa'i e i tiatou mârô ai i nia i te ra'i ra? o Iesu nei â, tei ravehia a'enei i nia i te ra'i, e ho'i mai ia *mai te reira atoa ra, mai ta outou i ite atu ia'na i te revaraa'tu i nia i te ra'i ra.*"

Ua faaite papu maira teie nei na irava e, e tino i'o e te ivi to Iesu i muri a'e i te tia-faahou-raa, e ua ravehia'tura oia ma to'na tino atoa i nia i te ra'i.

E i to Iesu oraraa i nia iho i te fenua nei, e tino to'na mai to te taata nei, e Atua hoi oia i reira; nafea, aita anei to te Atua Tamaiti e tino?

Eaha te Katorika i faarue ai i teie nei parau, oia hoi: "E auahi aamu hoi to tatou Atua." (Hebera 12: 29.)

E ere anei teie parau i te "parau papu i to Tahiti e to Raiatea e to Raro atoa hoi?" E, e parau papu, e e faaite-raa mau hoi e, e ere te Atua i te varua ana'e; mai te mea e, e varua ana'e te Atua, eaha Paulo i parau atu ai e, e auahi aamu hoi to tatou Atua?

Te na ô maira te Vea Katorika e: "Mai te mea, te ora nei te varua Atua na roto ia'na iho, eaha te faufaa o tena na tino ta Heheuraa Apî i tuati nei?"

Eaha, na te Heheuraa Apî anei i tuati atu i te tino ia Iesu?

E Atua hoi Iesu, mai tei faaitehia i roto i te Ioane 1:1; teie ia te tai'oraa: "I vai na te Logo i te matamua ra, i te Atua hoi te Logo, e o te Atua hoi te Logo." Ua na ô atoa maira te Mesia e, "o tei hi'o mai ia'u ra, ua hi'o ia i te Metua." (Ioane 14: 9.)

No reira, eaha mau te auraa no teie parau a te Vea Ka-

torika, o tei na ô mai e, "Eaha te faufaa o tena na tino ta Heheuraa Apî i tuati nei?"

Mai te au i te reira parau, mai te mea ra ia e, e mea faufaa ore ta Iesu raveraa i te tino No'na, e oia'atoa te tino o te Metua; no te mea, ua faaite papu maira Iesu e, o tei hi'o mai ia'u ra, ua hi'o ia i te Metua, oia hoi, tei roto Iesu i te huru mau e te hoho'a mau hoi o te Metua ra; e ua hoê raua i te ohipa, te mana e te mana'o. (Ioane 17: 11.)

Ua ite-papu-hia e, aita roa i tia ia Iesu ia riro ei taraehara no to te ao nei, maori râ, ua rave mai oia i te tino, e ua taparahihia oia, e ua tia faahou mai, mai te pohe maira, e na roto i taua taraehara na'na ra, i tia'i i te taata ia tia faahou mai, e ia tae faahou i ô te faaearaa o te Atua ra. A feruri ai tatou i nia iho i teie mau parau nehenehe, a haamana'o i te parau a te Veia Katorika, o tei na ô mai e, "eaha te faufaa o tena na tino ta Heheuraa Apî i tuati nei?"

E teie â hoi, te na ô atoa maira te Veia Katorika e: "E mea pohe te tino, e mea pohe ore te Atua. Eaha e tia'i ia riro te mea pohe, ei hoho'a no te mea pohe ore?"

Nafea Iesu, e ere anei to'na tino i te mea pohe a ora'i oia i nia iho i te fenua nei hou to'na tia-faahou-raa? E ere anei to'na tino i te mea pohe ore i muri a'e i to'na tia-faahou-raa? E ere anei tei roto mau to'na tino pohe noa i te hoho'a mau o to'na tino pohe ore? Oia mau ia, e no reira, ua itea-papu-roa-hia e, e mea atea roa ta ratou mau parau i te parau mau.

E ua ite te mau taata'toa e, tei roto Iesu Mesia i te huru e te hoho'a hoi o te taata nei. Na Iesu Mesia teie haapiiraa, e Na'na hoi teie Ekalesia tei topahia to'na ra i'oa i nia iho, oia hoi: Te Ekalesia a Iesu Mesia i te Feia Mo'a i te Mau Mahana Hapea Nei; e aita'tu Ekalesia a Iesu Mesia i nia i te fenua nei.

E no nia i te tahi parau a te Veia Katorika, o tei na ô mai e: "Te haapaoraa porotetani momoni ta Iosepha Semita i faatupu."

Uiraa: O vai te i'oa mau no te Ekalesia o tei parau noa-hia e te mau taata, i te Ekalesia Momoni?

Pahonoraa: O te Ekalesia a Iesu Mesia i te Feia Mo'a i te Mau Mahana Hopea Nei.

Uiraa: Na Iosepha Semita anei teie Ekalesia i faatupu?

Pahonoraa: Aita roa, na Iesu Mesia iho râ taua Ekalesia nei i faatia mai na roto i ta'na peropheta ra ia Iosepha Semita.

Uiraa: No roto mai anei te Ekalesia a Iesu Mesia i te Feia Mo'a i te Mau Mahana Hopea Nei i te Ekalesia Katorika, e aore râ, no roto mai anei i te hoê o te mau Ekalesia tei patoi atu i taua Ekalesia ra?

Pahonoraa: Aita roa'tu, ua hape ana'e te reira mau Ekalesia i faaitohia a'enei, e no ratou hoi teie parau i roto i te Isaia 24: 5; o tei na ô maira e: "Ua viivii te fenua i raro a'e i te taata ra; ua hapa ratou i te ture ra; ua ruri-ê-hia e ratou tei haapaohia ra; ua pi'o ratou i te faufaa haapao-tamau-hia ra." E ua afaihia'tu te Evanelia mau, mai tei faaitohia e Amosa 8: 11-12; e ua faaho'ihia maira i teie mau mahana hopea nei, mai tei tohu-ê-hia na e Ioane i te Apokalupo 14: 6-7.

E teie te tumu i papaihia'i teie nei parau, oia hoi ia ite te taata'toa i te haapiiraa a te Ekalesia a Iesu Mesia i te Feia Mo'a i te Mau Mahana Hopea Nei, ia ite hoi i te parau hape a vetahi mau taata, no nia i te haapaoraa mau a Iesu Mesia.

E mea tano ta te Veia Katorika, a na ô mai ai oia e: "Teihea te mau haapaoraa na te taata? O te mau haapao-raa ia ta te tahi mau taata i faatupu."

Te taata tei faatupu i te hoê Ekalesia, na'na ia taua Ekalesia ra. E te Ekalesia ta Iesu Mesia i faatupu na roto i ta'na peropheta ra ia Iosepha Semita, na Iesu Mesia ia taua Ekalesia nei, e na'na iho hoi i beheu mai i te i'oa i topahia i nia iho i te reira, oia hoi, "Te Ekalesia a Iesu Mesia i te Feia Mo'a i te Mau Mahana Hopea Nei." Area râ, nohea mai te i'oa Katorika?

Pahonoraa: Na te taata tera i'oa i topa mai i nia iho i ta'na Ekalesia; e teie te auraa no te parau Katorika, oia hoi, "te taatoaraa," e mea atea ia i te i'oa o Iesu Mesia, no reira na ratou iho i haapapu mai e, o te Ekalesia Katorika ra, e haapaoraa ia na te taata nei, mai te mea na Iesu Mesia taua Ekalesia ra, eaha i ore i topahia'i to'na iho i'oa i nia iho i te reira?

A faaroo mai na e to te ao atoa nei e, ua faaho'ihia mai te Ekalesia mau a Iesu Mesia i te fenua nei i teie nei anotau hopea nei, oia te Ekalesia tei faatiahia e te Mesia iho i te avatea o te mau tau ra; e ua faaue maira oia i to'na ra mau tavini ia poro atu i te parau no te tatarahapa e te ora i te taata atoa; no reira, a farii mai na outou i te reira, ia ore e vai te utua e te riri u'ana o te Atua i nia iho ia ontou ia tae i taua mahana rahi mata'u o te Atua ra.

—*Papaihia e Elavana.*

Te Hoê Parau iti ei Faaitoitoraa

(Tuatiraa teie nei parau.)

E tauturu te diakono i te haapii, te haapii i te tahu'a, te tahu'a i te peresibutero, te peresibutero i te aposetolo ra. E haapii atu hoi te aposetolo i te peresibutero, te episekopo, te tahu'a, te haapii, te diakono, e te taata'toa i te haapaoraa maitatai, e te mau ohipa e au ia ratou ia rave ra; e na ratou e te mau melo atoa e faaitoito ia ratou iho, te tahi i te tahi, e e tauturu atu hoi i te mau melo paruparu atoa ra. E faaamu atu ratou i te feia veve, e poihere atu i te mau taata ruau, e faaora'tu i tei roohia mai e te ati, e a'o atu i te feia i hi'a i roto i te hara ma te mārû, ei aratai faahou ia ratou i roto i te haapao maitai, e aroha'tu, e e hamani maitai atu i te taata'toa ra.

109. Eiaha roa tatou e mana'o e, ua faaorehia te mau aposetolo, te mau peropheta, e te mau mea horoa a te Varua Maitai, mai te faaora ma'i, te tohu, te rave tapao, te ite varua, te parau êê, etc., i roto i te ekalesia a Iesu Mesia, no te mea:

1. Ua tuuhia ratou i roto i te Ekalesia e te Atua. Korinetia 1, 12: 28; Ephesia 4: 11.

2. Aita i oti ta ratou ohipa i roto i teie nei ao.

3. Aita te taata'toa i au i te ohipa ra e orometua i teie nei. Te vai noa nei â te feia rave peu ino e rave rahi ra. Ephesia 4: 12.

4. Aita roa te taata'toa i riro ei feia paari i teie nei. Ephesia 4: 13.

5. Aita hoi te taata'toa i amuihia i roto i te faaroo hoê, e i te ite hoê ia Iesu Mesia ra i teie nei. Eph. 4: 13.

6. Aita roa'tu te feia Cheresetiano i tae atu i te faito i te î o te Mesia i te rahi ra, e to teie nei ao atoa hoi. Ephesia 4: 13.

110. E teie nei, e au mau hoa here e, o oe o te tai'o i teie nei maa parau iti, eaha te huru o to oe aau? Te hiaai puai nei anei oe i te parau mau? Ia ore râ, a faatupu oioi i taua hiaai ra. E ore roa teie nei mau mea popou, teie tao'a tahuti ore, teie nei mau mea faahiahia o te ra'i e roaa i te taata viivii, o tei feruri i te mana'o ino, e tei faatia noa i to'na mau hinaaro tia ore ra.

Te parahi nei anei oe mai te imiraa ore i te parau-tia? Te rave nei anei oe i te mau mea tei faariri i te Varua Maitai? Te inu hua nei anei oe i te ava, te inea tei haaviiyii i to oe na tino? Te puhipuhi nei anei oe i te avaava, te mea tei faatupu i te taero i roto i te toto? Te rave nei anei oe i te mau peu faufau tei faatupu oioi i te paruparu i roto i te tino, e o tei haapoiri i te mana'o? Te hoo tarahu noa mai nei anei oe i te tao'a na vetahi ê, e aore i haapee noa'tu i taua tarahu ra? Te faaino nei anei oe ia vetahi ê ra? Ua etaeta anei to oe mana'o? Ua riri vave anei oe i to oe mau fetii, e i to oe na mau hoa, e aore râ, i te hoê atu â mau

taata? Te parau nei anei oe i te parau mau ore? Mai te mea ra e, ua na reira oe, a tatarahapa i teie nei, a faarue atu i taua mau ohipa ra, a faatupu ai i te mārū, te itoito, e te haapao maitai i roto i to aau na. A imi i te basileia o te Atua, a titau hua hoi i te mau mea horoa o te Varua ra, ma te haapao-atoa-raa i te mau ture e te mau parau atoa e au ai, ia riro oe ei taata ite, ei taata paari, ei taata paieti, e ei taata mana i rotopu i te taata nei.

111. Ua faatiabha te basileia o te Atua i nia i te fenua nei mai tei tohuhia e Daniela, i roto i te pene piti o ta'na mau tohu, e te irava e maha ahuru ma maha, ma te mau toroa, te mau mana, e te mau mea horoa a te Varua i roto i te basileia i te tau o te Mesia ra. Ua faaue-faahou-hia te mau aposetolo tino ahuru ma piti, e te mau hitu ahuru hoi i teie nei tau hopea, e poro haere i te evanelia ra, e e faariro i to teie nei ao ei pipi na te Mesia ra. "E te feia faaroo ra, e riro ia ratou teie nei mau tapao; e hee te mau demoni ia ratou i to'u nei i'oa; e parau hoi ratou i te parau api: e rave noa hoi ratou i te ophi; e ia inu ratou i te mea taero, e ore ratou e ino; e ora hoi te ma'i ia ratou ia tuu i to ratou rima i nia iho." Mareko 16: 17-18.

Ua mana tena na parau i teie nei, no te mea aore to teie nei ao i hope i te faarirohia ei pipi na te Fatu. E riro teie nei mau tapao, e e rave rahi atu a mau mea horoa o te Varua Maitai i te feia faaroo. E faaroo anei oe? E aore râ, e parau anei oe, i te na ôraa mai e, ua oti te tohu; ua faaorehia te mau peropheta; aita e aposetolo faahou; ua ore te heheuraa parau; e ore te Atua e parau faahou mai i te taata nei; e ore te ma'i e ora ia tunhia te rima o te feia faaroo?

E au mau hoa here e, teie te parau, o te hoê i tonohia ia oe ra; "a faaroo oe, a tatarahapa e ia bapetizohia", ia matara ta oe mau hara, a haapao maitai i te mau mea maitatai atoa ma te tuutuu ore; e e horeahia mai te Varua Maitai, o tei aratai ia oe i roto i te paari mau e tei faaoaoa noa i to oe na aau.

Te Mau Parau Apî

Ua tupu a'enei te motoraa rahi i ropu ia Luis Firpo te aito Paniora no Argentine raua o Harry Wells taata ereere no Amerika. Aita te tahi i pohe i te tahi, ua horoahia râ te rê ia Harry Wells. E 12 ramu te maoro o te motoraa.

Ua pau ia Mose e ia Iseraela e 40 matahiti i te tereraa na te medebara i tae ai i te fenua ra i Kanaana, e i teie nei anotau ra, e pau ia e maha hora na nia i te pereoo uira, na te e'a iho â i haerehia e Mose ma, e e hoê hora e te afa na nia i te pahi reva.

Te vahi hohonu roa o te moana atoa ra, e mea fatata ia i te fenua ra i Iapone. Tera ia te hohonuraa, oia hoi: e 9,800 metera. Te faaroo nei vetahi mau taata paari no te ao nei e, no tera hohonu i reira i tupu ai taua aueueraa fenua rahi i te fenua ra i Iapone i te matahiti i mairi a'enei.

Ua itehia te ohipa huru ê roa i te fenua Rusia i teie nei, oia hoi: te taata'toa i tae i te 18 o te matahiti, e nehenehe noa ia ratou ia faahuru ê i to ratou mau i'oa mai tei au i to ratou ra hinaaro. Aita'toa e peapea ia rahi noa'tu te mau faahuru-ê-raa. Tirara tei titauhia ia faaite atu te taata i to'na i'oa apî i te mau taata no te hau, e nehenehe ia ia tamauhia te reira i roto i te mau buka.

I te avae Atete i mairi a'enei i uinahia'i e 2,000 oire i te pape rahi i te fenua tinito; no te ûa rahi e te taheraa o te hiona i tupu ai taua diluvi ra. Ua mana'ohia, e 50,000 taata tei pohe roa, e ua milioni te mau taata, aita to ratou e fare parahiraa. E no te rahi o te mau puaatoro, te ma-

Faaiteraa no Ruru

Ia hinaaro outou i te tape'a, e te uati, noa'tu te huru;

Ia hinaaro outou ia hamanihia to outou mau tape'a, te pine, te tautau;

Ia hinaaro outou ia tataibia to outou mau tape'a;

Ia hinaaro outou i te hoo mai i ta outou mau tiko, te patoetoe, te mau tape'a tahito, te hei pupu, etc.;

Ia hinaaro outou ia papaihia to outou mau i'oa i nia e aore râ i roto i to outou mau tape'a, te pine, e te tautau;

Ia hinaaro outou ia faaapîhia to outou mau tape'a tahito;

Haere i o Ruru

*to'na iho â fare parai rea ute
te aroa Petite Pologne*

PAPEETE

NENEIRAA HOHO'A

Noa'tu te huru e te faito i hinaarohia, e oti nehenehe i ò nei ia Viriamu.

O te mau huru ohipa ho-ho'a e ravehia nei.

William Crake

I pihaito i te Fare Moni Initia Taina

PAPEETE

moe, te puaa, e te maa o te fenua nei i haamouhia, aita i nehenehe ia faaite ma te tia te rahiraa o te tao'a i pau i taua ati rahi no ratou ra.

Te vai nei te ma'i apî e te ino roa hoi i te fenua ra i Iapone i teie nei; i roto i na hora e 24 i pohe roa'i e 876 taata. Ia roohia e 100 taata i taua ma'i ra, e pohe iho â ia e 65. Ua mana'ohia e mea ino a'e teie ma'i i te ma'i rahi i tae mai i Tahiti nei i na matahiti i mairi a'enei.

Te imi noa nei â te mau taote e te feia paari i te tumu e te ravea hoi e ore ai taua ati rahi ra, aita â râ i itehia i teie nei.

Ua horoa te ona rahi i Amerika o John D. Rockefeller i na milioni dara ei tautururaa no te imiraa i te ravea e ore ai taua ma'i ri'ari'a ra. E riro atoa paha ta'na tantururaa ei ravea e ore ai te parareraa o taua ati rahi ra i te mau fenua atoa o te ao nei.

Ahiri te hoê taata i na matahiti e pae i mairi a'enei i parau mai e, ia hope na matahiti faahou e pae, e faaroo e 25 milioni taata i te re'o mau no te taata hoê; e mea papu ua parauhia oia e maamaa e to te ao nei. Area râ i te avae Atete a'enei, na faaroo e 25 milioni taata i te re'o o Calvin Coolidge te Peresideni no te Hau Amerika na roto i te radio.

Eaha ia te mau ohipa faahiahia e itehia i teie mau matahiti i muri nei?

I te 20 no Atete i mairi a'enei i pohe roa'i te taata rahi roa i te fenua Purutia taatoa, o Herman Fege to'na i'ca. Teie ia to'na teiaha, oia hoi: e 227 kilo. E 61 matahiti to'na a pohe atu ai oia. Ua faaipoipohia oia i te vahine i to'na apîraa, e na roaa ia'na te tahi na tamarii. Ua rave oia i te ohipa tamuta i taua tau ra, e i muri mai râ no to'na rahi, aita'tura i nebenehe ia'na ia tamau i taua ohipa ra; e i reira riro ihora oia ei taata hoo huero moa e te û.

Tao'a Apî Farani

Mea rahi te taihaa apî no nia mai i te pahiraahi Farani.

Pereoo taataahi tane e te vahine—te au'a e te mereti—e ua rau te huru te ahu Farani ana'e.

Tihota Tahiti Hoo Mama
Fare Toa No Aiu.

FARE TAMAARAA TINTO

I Tatahi tei fatata i te fare toa no Pule

Teie te Hooraa

Te mau roi auri, roi raau, roi veo;
Te mau afata ume, afata roa, afata
raau noanoa, afata ma'i (pohe);
Te mau huru UPAUPA, Mando-
line, Guitare, Ukulele, e to'na
mau niuniu atoa;
Te mau huru peni vaa, Fare, Pere-
oo, Afata Ume, e te tahi atu a.
Tei reira'toa hoi te hamani raa e te
tatairaa i te mau huru haneti atoa.
Tei reira'toa te mau hahu raa, e te
êê raa raau.
Tei reira'toa te tarahu raa Pereoo
uira: taniuniu noa io Bambridge,
Papeete, ia tae atu te Auto, no-
a'tu te hora i te pô e te ao.

Bambridge, Dexter & Co.

oia hoi io TIHOTI MAEHAA

Ua Faaroo Tatou

I te parau apî o te tau i o te moni Marite e te moni Beritane—e no reira ua pee te moni o te mau taihaa i nia.

Mea Mama ta Pute

Ua hamani atoa taua faretoa ra i te hoê pua apî re'are'a—NATUA—te i'oa, na te hoê taata ite roa i te rapaau no Marite rana o Jones E. O. Maker taua pua maitai ra i rapaau e i hamani.

E Piti Toata i te Pâ

A. Leboucher

PAPEETE

Tamuta Hamani Pahi e te Fare

Mai te mea e, te opua nei oe i te hoo i te tahi poti tere roa a'e i te tahi atu â mau poti, haere io PERO, oia hoi, F. R. & I. E. WALKER, na ratou e hamani i taua poti ra ma te maitai e te hoo māmâ.

Haere na a mataitai i ta ratou mau hoho'a poti, haere na a mataitai i ta ratou aua hamaniraa pahi.

Farerei na ia PERO ma, no te hamaniraa i to oe fare, eita oe e tata-rahapa.

Afai na ta oe mau iri raau i hina-aro i te êê e te hahu ia PERO ma, na ratou e rave.

F. R. & I. E. WALKER

PAPEETE

I na avae i mairi a'enei ua tere te hoê pahi reva no Amerika e toru maile i roto i te minuti hoê, oia hoi, e 197 mailo e tiahapa i te hora hoê. Te fatata mai nei te tau e ati ai teie nei ao i te taata i na hora e 24.

Ua itea i te tahi mau taata Farani i teie nei te ravea e ore ai te aruru. Ua na ô maira ratou e, te tumu rahi no te aruru ra, no te mana'o paruparu ia. E no reira, hamani i hora ratou i te tahi machine o tei tahurihuri noa mai te pahi i tua. Te tahi huru ua au ia i te mania, e te tahi mai te mata'i rii, e tae noa'tu i te hautiutiraa puai roa tei au i te vero. Na te reira e haamâtau i te taata i te haereraa o te miti, e e faatupu hoi i te mana'o papu i roto ia'na e, eita oia e aruru ia tae i tua. E piti o te taata haereraa i roto i taua machine ra, e eita oia e aruru ia tae i tua.

O. B. Peterson, Imprimeur,
Rue Brea et de la rue Dumont d'Urville, Orovini, Papeete